



甌甌洞藁卷之四

武昌吳國倫著

始安張鳴鳳校

五言古六十一首

述志四首

皇矣太初闢清濁開鴻蒙人生貴且靈受此天地中
四序若鱗次陳迹藐易窮豈伊一抔土掩此七尺躬
沒世名不稱宣尼志所恫寸陰逝足惜禹德彌以崇
抗志慕先民寤予曠不聰大猷廣且穆惟彼能者從
努力戒前路艱哉一簣功庶幾耿耿微可以令厥終

其二

甌甌洞藁

卷之四

徐晉書
吉安劉欽刻

冉冉嶧陽桐倚倚嶰陰竹含茲龍鳳音雌雄遞相屬
龍為羌水吟鳳為軒后曲橐籥宣元氣宮商無陵黷
茲風已千古遺響伊誰續夢遊上帝居鈞天何穆穆

其三

黃鵠臨當飛徘徊視其翮一舉橫四海須臾萬里隔
鳥為集林莽俯啄仰相嚇營營濁世儒所志在干澤
處膏但自潤何辭服轅輓美哉寥廓士遠遊無遺迹
一羽輕侯封九鼎重人國遇合鮮常期飄飄從所適

其四

赤日照萬古不槁扶桑枝人世何鹵莽光景迅如馳

朝菌夕不華霜露難爲姿薰膏苦自焚智巧無以爲
精衛銜木石東海平無期章亥雖疾步安見周四垂
何如息萬慮飡霞茹三芝庶幾葆天真善卷良吾師

雜詩十二首

晚琬明月珠熒熒吐輝光持以贈所親道路阻且長
中墮濁水泥千里徒相望志士抗高節憎茲口如簧
赫赫尹吉甫伯奇行履霜參乎豈嗜殺慈母走踰墻
況彼行路人何以要不忘睚眦有其端安保不相戕
棄置非所論無郵示周行

其二

甌甌洞藁

卷之四

一一 欽

重城繚阿閣鬱鬱造天表迴飈激杳戩飛棟陵縹緲
惜哉鳳不至而以巢凡鳥凡鳥羣畢逋德輝何杳杳
棄彼琅玕實啜喋苻與蓼翔止無寧序呼噪失昏曉
文羽一來儀四顧儔侶少哀鳴棄之去高舉六合小

其三

士自有貴賤道與俱污隆良賈不居市美女憂入宮
從事苟失時聖哲難爲工虞卿始遊趙非有根柢容
一見賜金璧再見舉國從取相如探囊坐致郤秦功
及其間行去居梁一何窮著書幸自見祇爲遊談宗
何不執高義希彼魯連風解紛息大難蹈海不受封

其四

羊腸一何坦周道摧車輪溟渤葦可航溪潦浩無津
膠漆苦不投筭瑟時見覩懷珠蒙世疑買櫝以爲珍
冥理本不測變態渺無因於物各有適愛惡從其心
險夷義所安尺蠖有屈節惟彼明哲士迥然保其身

其五

人固不易知知人亦不易夢卜得二賢興王有餘智
方其未夢時凡民何以異良賈貴深藏良工不自示
遵養待遇合不合渺如棄上客禮負芻下堂握妝器
知已在一言遂爲千古事

甌甌洞藁

卷之四

三

嘉慶三年五月

其六

海風吹枯桑朔氣盛原野客子寒無衣行役去中夏
塞外霜草白中夜鳴胡馬浮雲西北馳河漢東南瀉
豈不懷故鄉瞻望涕盈把橫行氣已摧況乃匹儔寡
白骨何纍纍撐拄長城下

其七

大造冥無端陰陽互推移人生逝如斯白駒喻何遲
彭聃豈必壽殤子與同期誰云蒲與柳異彼金石姿
梁肉饜無味食藿甘如飴纓綉苦結束短褐何委蛇
達觀萬物理委形皆若遺哲哉河上翁知雄守其雌

其八

田文與趙勝養士亦已多處囊有遺穎徙舍徒勞歌
三年不見知如此皮相何一日奮排難秦楚爲么麼
反掌復齊相按劍定從和始知負奇士俛首甘蹉跎
乘時建大策寸舌雄干戈安用錄錄輩與世相依阿
其九

佳人處重幄歛態何盈盈妓服紈與綺盼笑清芬生
明月辯爲環雜佩瓊瑤瑛微風動輕裾緩步宮商鳴
一顧迷下蔡再顧傾陽城念欲結婉孌何以抒衷情
挹彼沆瀣漿和茲九霞精延佇欲致之咫尺天河橫
甌甌洞藁
卷之四
四
將無高丘夢令人徒屏營

其十

矯矯赤水龍視能燭九陰微氛翳白日不照烈士心
離離洛少年悼彼三閭沈興文弔泪水感遇亦何深
已矣千百載其辭傳至今巫咸邇可招胡爲久不歆
烈心豈自疑懷徃故難任何以寫衷曲閉戶弦鳴琴

其十一

誰謂德無鄰媼阿湑其真誰謂人無倫反側難爲親
恩愛苟不衷金石將且磷四海皆兄弟同室越與秦
久要勿言故立談勿言新肝膽照日月眉睫生荆蓁

君子貴中立小人趨同塵況乃在末路變態那可陳

其十二

曦日照四術人語何嘈嘈爭塗赴闕闐靡麗成周遭
牽袂迴颺舉擊軫奔如濤招搖各有營日夕不言勞
翩翩御輕肥各言絕世豪東隣奮絲竹西肆陳珍牢
飲至懽亦極萬事皆鴻毛笄笄北郭子徒手被緼袍
延佇大道傍頗爲達者嘲從事貴識時胡爲久蓬蒿

釋褐

穆穆四門闢濟濟多士升奏對干龍顏咫尺彤雲蒸
通籍竝時詰賤子慚無能弱羽將順風天路恣飛騰

甌甌洞藁

卷之四

五

言安烈然刻

解此田間褐衣錦如不勝遙跡朝士間一日揚聲稱
詔賜南宮宴恩禮彌豆登被此非常遇舉笏紛相矜
而我在末坐廩懷春冰策名從此始何以酬賓興

賜宴思親

待詔金馬門遂叨大官宴九陌馳青驄宮衣一何絢
鱗次瞻上公鴈行侶羣彥襜襜王者賓聚此延英殿
陳禮張六樂卿雲爛畿甸瓊卮瀉天漿綠幘進珍膳
詎謂蓬蒿生能承 聖明眷致身非不蚤顯親人所
羨傷哉我二親今茲豈及見昊天難可呼風木有餘
怨趨庭感貽穀入室思聖善三釜不逮存列鼎安用

薦所以曾參悲北嚮非爲賤亦知幸遭逢食肯不下
嚙

旅夜思親

遭時苦不淑少齒嬰百惟嚴慈早捐棄諸孤何綏綏
泣血腥墓草刺心心爲夷抱此終天感豈必泉下知
繫予守義方入國爲先資射策有天幸澤宮不我遺
遂通金閨籍冠佩相追隨在序沾微祿言歸獨遲遲
臥病謝朝謁旅夜良淒其泫然思罔極何當奉音儀
兼饌不追養綺錦徒增悲託體在北原原樹紛纍纍
引領中自傷遊魂渺何之

龕龕洞藁

卷之四

六
然

思伯兄

伯也故孝廉捐世良已早哀哀堂上親纍纍爲君老
一丘十年餘霜露變宿草諸弟慄不勝諸孤僅相保
憶予幼且孱君每置懷抱相予有英骨許以希世寶
上堂賀二親謂當振家造二親色爲娛屬之綴文藻
抗志景前修結軫趨大道詎知策名時天親骨已槁
浮榮匪足多真憂忽如擣俯兮叩重泉仰兮呼穹昊
穹昊與重泉長夜漫漫浩浩

過嚴子陵釣臺

鼓棹日垂暝沂流涉驚湍富春何崔嵬石瀨清且寒

蒼蒼兩釣石千古江之干攬衣起攀躋山澤多幽蘭
昔人秉微尚披裘隱其端明月投爲餌彩虹持爲竿
避彼龍虎爭飽此魚蝦餐帝詔豈不殷委質良獨難
願與巢許遊不著漢吏冠九鼎焉足舉雲臺非所安
我亦倦遊子濯纓此盤桓偃仰思遐軌劃焉天地寬

哀江南

昔予登蘇臺一覽吳越平浮雲蕩澤國迴颺起滄瀛
五湖揚素波天目遙崢嶸流睇入雲間碣石參差橫
日夕館娃宮絲竹發清聲土風事遊冶民力苦暴征
耕者不宿飽綺綵空奇贏況迺承平久閭閻諱談兵
甌甌洞藁
豈乏湛盧劍塵埋不得鳴亦有明月刀鬻市衆所輕
奄忽攙槍降羣妖恣橫行長風吹萬艘濤起天雷轟
吳都良家子倉皇望前旌一戰陷我陣再戰奪我營
鬼哭長洲苑血腥樵李城白骨蔽上海海日慘不明
廣衢遊麋鹿王路多榛荆萬類委魚肉安用佳麗名
昔遊曾幾時遂令田海更殺氣結不散感之百哀生
安得萬猛士飛戈滅妖鯨

贈別徐子與比部三首

涼露被臯蘭悲風鳴庭樹銷落感我心客遊歲云暮
念當從此辭流景不我駐清商命促管爲君發幽素

靜言攜手歡齊軌卽中路欲洗采濮耳千載聆韶護
知者日以稀作者良獨苦顧望懷百憂行矣惜高步
其二

黃鵠厲高空晨風翔北林依依命儔侶雲漢流哀音
況我眷良朋離思難可任凌晨發皇邑馬首逝駸駸
駕言采幽蘭聊以喻同心同心苦離索安知非辰參
分親踰室適愛至慮亦深豈爲兒女仁臨路空沾襟

其三

高高黃金臺飛閣臨長衢宮闕遙相望冠蓋填京都
與子結交親明誓永不渝抗志局四海氣與高雲驅
飀飀洞藁
卷之四
八
秦三百四十二
深衷托柔翰榮華安所須念子遠行役飲餞城南隅
燕趙多悲歌感之心鬱紆何當有羽翼南征與子俱

送謝茂秦

北風吹燕關雨雪繽紛灑遊子暮何之言歸鄴城下
鄴城非爾鄉徒侶一何寡擔簦戒前途踟躕立中野
念子老無依被褐擬揚馬結交滿京華誰爲同心者
將赴西園招遂脩南皮社咄咄千古心悠悠漳河瀉

寄李順德于鱗

翩翩雙飛鴻嘹嘹入雲漢中路忽以攜含情各相怨
狂飈摧弱羽形影從茲斷豈無稻粱謀常恐及矰彈

會合未有期非儔肯相亂歲宴霜雪深冷傳夜難旦

再答于鱗

長孺臥淮陽季布淹河東闕廷一以遠毀譽紛從中
念子守畿郡三輔揚清風歲久不得調治行難爲工
非無貢禹盟卒鮮根柢容誰謂賢路闕側足處其窮
巫咸不自被秦醫不自攻浮海居九夷浩然與子同

張子培至自吳

客從吳門來未解風塵色且勿敘舊懽把手陳憂惻
執法降爲殃江鄉遍蝨賊飛刀瑩如霜剝剝鮮餘力
三吳故佳豔條忽成異域今朝戰城南明朝戰城北
甌甌洞藁

卷之四

九

御案三百五十四

漂血膠舳艫輿尸丘山積骨肉不相保田廬詎復識
四顧無人煙舉足羅荆棘此身亦已贅何當有羽翼
鼓噪銷雄心仰天長大息負母復攜幼潛行踐路側
萬死脫虎口追徃意猶惑氣結不成辭悵悵滄沾臆
聞之傷肺肝流光黯昏黑

答王元美見貽

結束處中秘二曜潛推移辭令苦不嫻廩粟誠虛糜
相門有揖客骯髒非其怡懷茲千古心引領屬所私
區區幸見察攜手與同期同者日以親異者日以疑
營營各有適安得強相持不見墨者翟居然非咸池

酬元美郎中二首

丹雲翼雙闕飛觀何晴嶭玉階序文鶴侍從人所榮
宸聰諒四達袞職驟匪輕徘徊鮮嘉猷何以禪大明
豈不畏鯁素龍領難可櫻徙薪疏梅福戴盎悲逢萌
寧爲大鳥止恥與羣鴉鳴感子眷相勗因之忘死生

其二

五嶽參大空興雲卽施雨須臾走風霆具曰天帝怒
遂令威福權鬼神不遑觀陰陽互愆伏妖氛被林藪
梁木萎崇岡嘉禾殺下土垣耳道路目輦轂生胡虜
偷生將安之宛舌不得吐何當遂初衷願與逢干伍

甌甌洞藁

卷之四

十

送三百四十五

別高伯宗

驚風動地來浮雲起翩翩白日匿須臾陰氛莽相纏
靈潦浩縱橫脩陸成廣川嗟嗟遠遊子駑馬不得前
還顧舊京邑感此涕潛然況我同心人明誓良獨堅
昔爲膠與漆今若括與弦去去懷百憂所憂非棄捐

別李伯承

朝下承明廬暮投湘水濱須臾萬里隔中意當誰陳
睠我同心友涕下沾衣巾婉孌無終席歡愛豈畢輪
趨舍一相乖曠若越與秦竝器登蘭蕭疇能識其真
連城衆所哈鼠腊乃見珍始知卞和氏三獻徒苦辛

省墓二首

慊慊遠遊子，遲遲薄言歸。上堂謁宗老，飲泣瞻親闈。
親闈久間寂，我心愴以悽。出郭望北原，原樹風淒淒。
凌晨踐霜露，何自承音輝。憔悴向夜臺，感此林鳥啼。

其二

陳牲藉蘭蕙，有酒苾以芬。銜痛不勝禮，宣哀亦無文。
白楊動悲風，玄碣蒙陰氛。何哉宅黃墟，乃與狐兔隣。
微祿嗟不逮，飲啄將誰親。徘徊日西匿，引領滋傷神。

登廬山絕頂

廬阜浩緜邈，含靈翊洪都。下蟠厚坤軸，上燭南斗樞。
甌甑洞藁

卷之四

十一

渾沌竅初鑿，夸父骨已枯。諸峯秀雲表，列郡巢其邦。
我策廬敖杖，舄以王喬臯。逍遙陵絕頂，飛觀亦何孤。
三梁跨欲絕，五老森相呼。松孕萬年苓，鶴將千歲雛。
半嶺雨暘隔，一朝寒燠殊。重巖表僂隱，古寺羅名區。
苔蝕巨靈掌，星錯摩尼珠。靈光展石鏡，霞氣薰香鑪。
瀑布落天漢，濺沫成江湖。濯髮天池端，冥然鑑虛無。
五嶽總拳石，古今亦須臾。且與方外友，狂歌醉瓊蘇。

訪余德甫

蕭蕭古城隅，鬱鬱高士里。謾謾飄松風，盈盈望吾子。
殊方一以攜，豈不嗟室邇。行役良爲勞，光儀幸相倚。

晤言詣風歡有酒清且旨佳會難可常義輪逝如駛
忼慨發清商知音悵何已但比同心花安能久連理

用晦芙蓉館宴集同余德甫

王孫好賓客展宴芙蓉池茂樹蟠層陰前除廣且夷
朱華媚高館綠藻芬淪漪瑟瑟幽籟發交疏動微颺
涼秋感佳會綢繆及良時瑀盤膳珍錯美酒金屈卮
起步臨中流俯見遊鱗嬉悠然愜心賞匪以濠濮私
攜手奮高倡浮雲去逶迤

攝郡二首

晨起坐公府吏道何結束簿書安可裨磬折垂殆辱
甌甌洞藁

卷之四

十二

籠鳥觸四隅駮駒傷局趣濟物本吾性微繹意安屬
直木雖先伐誰能處其曲艱哉九阪塗繫此千里足
念之慄以慨中夜起躑躅

其二

夙昔慕子游學道遵聖言臨民道苟直末位豈不尊
此邦麗炎德鬱鬱章貢藩食毛知土瘠日昃心爲捫
瑾戶不宿火卒歲鮮雞豚况爾庶無知爭質多煩冤
餘風日以頽微文苦鉤援反裘失旣遠痾身昧其源
疇爲撤繭絲是究懷保恩歌彼伐檀章內忤安可論

郊行

出郭望四郊，蒞止廬山麓。老稚走相從，伋此柴桑俗。
世遠松菊蕪，年登庾廩足。狐穴匡君祠，犬吠康王谷。
天際羅羣峯，懸泉墮鳴玉。抱杖出脩林，聊以縱遐矚。
日夕驅馬歸，懷古念彌篤。鼠腹本易克，鳧頸詎宜續。
人生各有涯，胡爲久錄錄。安得如陶公，終焉托醺醪。

閱武

驅馬越故壘，張帷蒞崇岡。颿風激東匯，湖水何湯湯。
陳彼桓桓旅，奮臂俱飛揚。鉦鼓動地發，鎧甲耀日光。
分曹建赤牙，合隊揮干將。列戟森如林，羽鏃凌秋霜。
俯手挽烏號，飛鳥不敢翔。風雲變須臾，天地爲倉皇。
甌甑洞藁

卷之四

十三

傅崇札

顧子逢衣徒，覩此氣益強。治世不去兵，暇日虞大康。
農山志未逮，聊以使知方。

答鄒少南

攘袖適中陌，皓腕朝霞明。徘徊歷脩渚，言采蘭與蘅。
美人日以遐，欲致渺無因。故懽豈能續，信誓良所欽。
但得聞馨香，不願同衾道。逢涉江女，顧盼一何親。
遺之雙雜佩，用以寧予心。各言有所思，淚下不能任。

遊仙篇贈劉叟

僊人從何來，云自終南山。天風矯雲翼，須臾八極還。
頓轡南斗傍，晞髮天池端。手扶綠玉杖，叩我巖下關。

問年不知紀餐芝美紅顏授我無上秘飲我長生丹
我欲從之遊白日生羽翰扶桑一何邇崑崙不足攀
逍遙及太清四顧非人間

秋夜獨酌

端居息萬慮候蟲鳴我牀起步臨前除明月照我裳
仰視河漢影綿綿秋夜長躑躅不能寐纏綵稱壺觴
輝照非有穴適意卽此鄉調笑五老人彭蠡爲吾漿
獨醒還獨醉於世竟焉妨高梧脫旣盡桂樹乃芬芳
物理固如此吾飲殊未央

至日歎

甌甌洞壘

卷之四

十四
博崇礼

汎汎彭蠡流皚皚匡山石松柏有餘寒魚龍偃深澤
玄枵謝窮陰天心見冥漠顧此寥廓區不解窮愁客
問客何歎嗟冉冉流光擲回首儕世人四海何踟躕
剝復固有期念已苦行役豈不戀
明主瞻望徒脉脉

五老吟

被髮辭帝閭息駕招五老五老從天來各各顏色好
問老何所脩莞爾不復道混沌非吾初蓬瀛非吾島
河清詎足俟扶桑歛焉槁擲杖化爲林逖也遙步穹昊
顧子豈陳人役役傷懷抱義輪日以逝安得長壽考

璞石遭良工一出爲世寶所悲喪其真精靈貴自葆

揚瀾阻風

揚舲下東澤弭棹揚瀾浦北風起何疾蛟龍恣吞吐
帆檣怒相擊鳴濤震金鼓黃沙蔽白日咫尺不成覩
三晨坐一隅忽忽如異土四顧徒侶絕羈思良獨苦
天道浩無度所貴知險阻

蘆溝橋

迴車薊北門飲馬桑乾水蜿蜿青龍橋頽波逝如駛
喧喧行路人日旻去未已顧我志已荼徘徊在河涘
矯首望帝居宮殿錯如綺飄風忽西至黃沙蔽天
甌甌洞藁

卷之四

十五

傅鬼

起不見郭生臺歎息張華里一骨千黃金安用直如
矢

過中牟

駕言適浚郊岐路紛如織秋風吹圃田羣鳥下藜棘
原隰冒陰氛禾黍不得食靡靡行邁人停車爲長息
魯令骨且朽荒祠古城側三異我所欽徘徊日西匿

鄭州登臺

鄭圃有層臺高視天中區浮雲迫飛閣萬戶羅長衢
悠然瞰嵩嶠三川鬱以紆涼飈起叢林銷落何須史
振衣發清商音哀不爲娛神遊夙所慕冉冉白日逾

黃鵠思高舉胡爲世網拘

贈費大夫

大夫起相種矯矯玄成資荆璞含初光肯爲琢者嗤
抗跡希直躬素風良不緇弱冠奉符璽燦若瓊樹枝
白首伏下僚渺若濁水泥 君恩無邇遐亮節何委
蛇三黜介不易展禽固吾師離離漢濱人將與子同
期銜杯睨浮雲忽忽東西馳

上公廟詩

有序

宋中故有微子祠屬其地卑濕而規制狹小
曾不比於鄉社予謁而怵怵焉因與邦大夫

齋醮洞藁

卷之四

十六 傳魁

暨其鄉卿士議而新之堂寢寮垣崇峻宏麗
蓋十倍視故祠矣予按微子初食采於微及
受周命爲上公則土與爵皆非其舊卽宋人
祠之而名曰微子得無未安乎因借易其顏
曰上公廟而紀以是詩時嘉靖辛酉秋日

狡童失金鏡湯澤宜未湮乃有象賢子作誥去宗親
豈不眷故國數諫徒苦辛皇皇忍顛越天命當誰陳
玄圭東夏尹白馬西周賓公旦嘉乃德尼父諒其仁
庶幾代庚祀遠託玄鳥禮實始有宋國綿祚六百春
亮宮況伊邇商頌匪無因血食高辛墟千秋肅明神

我生劇懷古躑躅荒城闔寢殿委泥淖俎豆陳荆藜
豈伊上公居秋隘無常尊污隆在邦典俯仰慙儒紳
賤子屬經始元龜告佳辰庶民旣子來卿士從如雲
程工不踰期棟宇一以新囚之贊彝訓非獨美魚輪
茲晨從長吏言薦藻與蘋對越凜如在顧瞻何遽巡
脩靈降多福阜此邦之人

梁園吟

蒐園三百里平臺古商丘星分燧人紀風啓倉頡取
上公此食采東夏遙尊周賓客信陵散乘輿孝王遊
授簡賦雪月築宮延枚鄒逶迤複道引暎帶黃河流

甌甌洞藁

卷之四

十七

陶賢

危嶺抗龍岫曲池藏鶴洲脩竹蔭千晦彩雲揚九旂
豪華未終竟極宴生繁憂今茲狐狡穴夙昔歌舞樓
客子悵懷古經行重悲秋況乃司馬倦頗類虞卿愁
桐門日黯黯棘澤天悠悠今昔不相待富貴誰能留
紅顏總自誤明月莫輕投五斗盡沾酒萬事都沈浮

別魯朝選行人

塞裳涉睢澮登臺覽東夏脩竹蕪漢園古柏頽殷社
新阡錯如林舊郭平爲野代謝成須臾誰其後死者
與此區中士攜手淅如灑予豈悲豪華士非薄遊冶
傲衷各有尚躑躅浮雲下况乃此一時夢寐見龍馬

浩浩千古心黃河詎能瀉去去懷昌言努力崇大雅

聞蟬

流火謝朱夏白露沾野草陰陽漭推斥朝榮夕已槁
聽此寒蟬鳴悒悒傷懷抱擘啜一何悲坐使容色老
聲氣各有時吾生但潦倒齊女未下宮疇云不美好
爲塗少衆題畫二首

盈盈廣漢水寒裳不可渡誰鞭東海石駕此西都路
飛虹跨長波潛蛟吐玄霧聞有駟馬歸豈是曾題柱
右漢梁圖

其二

甌甌洞藁

卷之四

十八

陶賢

君家孝子里蜀道阻且深浮雲蔽白帝羲咎何駸駸
王陽歎九坂莊舄爲越音朱紱豈不華各有萬里心
右望雲圖

舟中望嶧山

浩浩黃河流蕭蕭大隄樹翩翩操舟人闐闐秦桴鼓
中有南冠子含意不得吐望魯隔龜山陟秦阻梁甫
絃晨發邾婁進帆魚臺浦瞻彼嶧陽山鬱鬱峙千古
秦碑蝕旣盡孤桐亦已腐在物無醜好過時俱塵土
人智闇雌雄於終竟焉覩我欲從茲山其如乏脩羽
日暮舍之去徬徨涕如雨

悼亡詩

人命但朝夕冥運何倉皇憂多樂苦少生短逝日長
零露本易晞行雲去如翔雖有蘭蕙姿倏忽萎秋霜
念子秉昭質素里揚清芳婉孌自疇昔明誓結不忘
動若形影隨居若琴瑟張況與歷貧賤卒歲持糟糠
頗希舉案風亦切趨機防相予匪一德乃幸嬰圭璋
宛其中道徂胡以不永傷明月照故幃悲風襲我牀
良無續命丹安見反魂香音儀從此隔泉扃杳茫茫
凌晨思髣髴中夜起徬徨同心而異世中閨閒無光
已矣德宮儷聊申祥服章異哉蒙莊子鼓盆毋乃狂

甌甌洞藁

卷之四

十九

晏

甌甌洞藁卷之四終

旣甌洞藁卷之五

武昌吳國倫著

始安張鳴鳳校
新安方尚贊

五言古六十三首

八子詩

八子皆弘正間名家予讀其詩有采焉因各

贊一詩志神交云

李學憲獻吉

獻吉起北地操觚幹元機上探軒虞矩下抉揚馬微
中流障頽波濛汜揚初輝雄哉草昧圖羣哲相因依
遂令大雅還始識新聲非況乃矢忠鯁九死干天威
旣甌洞藁

卷之五

一 徐寫陸孝刻
三百一

宏辭潤高節赤日爭餘輝淪沒良不朽靈均與同歸

何學憲仲默

倬彼汝南士冥悟窺鴻蒙童齡振奇藻弱冠稱宗工
抽翰校秘書爇光燭西宮弦歌奮求友逸響騰高空
燦比若木華諧如羌水龍同聲自相眷恥為達者容
適意在萬古豈必躋三公至今攬遺牘穆然生清風

徐博士昌穀

吳都擅妖麗作者紛自寶昌穀起中微澹然志幽討
濯髮臨清淵驅車遵周道宛彼舜華姿被服紈與綺
輪斤有疾徐應手不言巧得意塵壒間超忽踰靈寶

譚稹有獨致頽風一以掃年短流譽長胡為悲不造
邊尚書廷實

廷實本國器矯翼自太常博綜號武庫高視臨文昌
豈握東岱英五彩流篇章一語觸神解陶謝良相當
脩轡騁天路方舟濟河湟乘時翊昌運休問彌以揚
斯今齊魯間聞風襲餘芳生榮死不朽何忝名山藏
鄭司封繼之

谷口遺高蹤鄭生豈其喬澹然隱金門玄理屬冥契
倡和諧同聲登臨縱遐盼願言崇好脩寧獨侈宏麗
古道良所敦直境日以詣偶爾披遺編蘭薰襲衣袂
甌甌洞藁

卷之五

二

陸孝
三言至

王檢討敬夫

王生跡弛士多技亦多艱少遊翰墨林藻繪何班班
九阪知逸足六宮競朱顏涉世鮮明哲流言遂漂山
恩深罪殊薄一竄不復還鄂杜足偃仰行歌弄潺湲

王吉士稚欽

維楚故有才誰為稚欽偶早歲發天秀匠心應其手
高視千載前左馬相先後寧操湘女瑟恥擊秦人缶
調世如弄丸罵坐非使酒敖然詠新篇豈復聞師友
遂為禮法攻一官棄如垢傷彼荆山璞終焉不見剖

高按察叔嗣

叔嗣秉玄覽弱冠侍清穆朝回坐華省抽翰從所欲
時援綠綺琴起奏清商曲三歎有餘思松風何謬謬
引領懷良朋申章屬珠玉古道自攬持巖然負流俗
雖驂何李後匪乏千里足惜哉天
天年長駕阻中陸
五子詩和于鱗元美作

李于鱗

涓曠不可作古音日以微舉世好新聲引節當誰依
奕奕濟南生聽曲識其非調琴理孤操逸響騰珠徽
泱泱東海風洋洋播金閨豈辭作者苦將恐和者稀
庶幾吾黨士一握揚清輝抗志還大雅乘時櫛芳菲
甌甌洞藁

卷之五

三

陳朝
三百三十六

斯道有中興但與流俗違風波一相失滄泣無時揮
王元美

王郎故家喬曄曄瓊樹姿英風振江表文彩稱神奇
少年策華津四顧多所疑志在千古業寧希一世知
折節交李郎大雅當在茲華陽結高會五子偕應期
齊聲奮清響浮雲東西馳時情詎終測友道無磷緇
中意各未伸羽翼行差池榮名不常保念當久睽離

宗子相

淮海挺斯彥鬱鬱麟鳳標致身青雲端嘉譽盈中朝
游揚豈不廣冠蓋紛相驕微衷各有屬鳴鴻夜嘹嘹

一顧得儔侶勿云天路遙攜手結古歡吐氣千層霄
易彼淫哇耳冷然被箭韶力欲追作者安知骨已銷
去國勿復道何哉鵬爲妖念此平生親魂遠不可招

徐子與

美人起天目吳會欽令名抽翰掞華藻高步揚前旌
憶予釋初服與子馳帝京衆中一以矚躑躅私相驚
神物當遇合枯根以時榮恍慨托風雅遂爲金石盟
酒酣發高倡流響恣縱橫但希知音賞敢厭時俗輕
精光忽以蔽誰能寶連城努力戒遐軌廣路偕子征

梁公實

甌甌洞藁

卷之五

四

陳朝
三百三

南海浩無際珠樹榮其中之子秉異靈軀孱氣何雄
結髮嗜徃古操翰追其風文心躡東漢詩軼顏謝工
一出邁良友糟粕忽以融反顧結遐轍思欲躋崆峒
浮雲去萬里獨徃偕冥鴻神山在咫尺安期尚可逢
大藥豈誤人厭世殊匆匆誦子虹澗篇萬形委虛空
十二子詩

十二子皆予雅道交倡和偶諧如蘭斯臭乃

者予旣見放諸子亦多浮沈同心離居愴焉
今昔因各賦一首用代晤言非有所軒輕也

臨清謝山人茂秦

謝生本無家老作王門客詩名藉曹丘指于鱓元美乃在
長安陌彈鋏一以歌騎奴始分席長揖遊公卿交歡
竟曠夕詞林有布衣竊擬連城壁歸來腹不充四顧
復何適

南海黎秘書惟敬

黎生處羅浮頗好神僊籙大海澄幽襟明珠結奇服
翫髒遊人間詞華爛羣玉酒酣坐揮毫彷彿天雨粟
垂老就一官清言動當軸慊慊常思歸引領傷局促
濮上李尚寶伯承

濮陽多古墟其俗尚謳詠李生采遺風識早力亦勁
甌甌洞藁

卷之五

五

雖處鄭衛間敖辟非所聽雖從貴介遊戚施非其性
折節求友生洋洋雅音正晚遇朱司空鼓掌稱絕勝

南昌余比部德甫

蒿蘿附松柏松柏有時摧螻蛄穴蔬壤蔬壤亦易夷
之子抱幽貞昭質諒不虧貴介何炎炎疎遠分自宜
理我清廟弦奠茲明堂粢爲用雖不廣千載流聲施

京山高比部伯宗

結髮慕郢歌千秋叩遺響伯宗誕其鄉始復披荆莽
六籍鮮不綜篇詠亦已廣中歲起爲郎清齋託偃仰
辭工宦益拙憂生何鞅鞅一出鴻猷編觀者亟稱賞

崑山俞隱士仲蔚

仲蔚夙所欽抱痾處幽側頗耽佛老書自擬巢由匿
洗藥臨清淵炊糜克鼎食時爲鮑謝吟忽灑鍾王墨
尺牘世所珍自葆良亦晉耿耿心相知豈必望顏色
蒲圻魏比部順甫

破觚難爲圓斲雕難爲樸魏子任天真儵然謝繁縟
爲郎守灋曹閉戶理清曲晚結二三子聲同志彌篤
逡巡述作林幽蘭吐膏馥精光幸自完不必剖和璞
銅梁張祠部肖甫

高空朗岷峩洪流決三峽中有奇男子龍性不可狎
甌甌洞藁

卷之五

六

乘雲驚天衢蜿蜒靈鱗甲蚤厭巴淪謳力操揚馬法
雄才振名區古劒星出匣符彩燭士林匪徒工筆劄
桂林張司理羽王

羽王發西粵弱冠稱繡虎負氣一何奇凌厲向千古
翱翔京洛間恥與世儒伍往往出新篇郁郁芳蘭吐
微官歷軾軻置踵無安土每歎鍾子期無時可重覩
新蔡張稽勳助甫

汝南復斯人文藻何灼灼蚤策華要津貴遊殊不薄
微衷向沈冥玄覽測苞籥稍聞何李風文心奮如躍
赤若砂中金皎若雲間鶴欣茲雅道昌豈但新知樂

南昌朱中尉用晦

昔予客洪都邂逅佳公子執轡一何恭贈之雙文綺
高齋愜清言遂握風人旨孤標秀層岡何忝南州梓
自試良獨難通親念未已坐悲春華歇涉江采蘭芷
吳郡王進士敬美

王子生世家登朝翊黼黻韶年識瑾瑜何謂託交晚
師友不踰門翱翔藝文苑翕爾鳴墳簞流韻日以遠
浮沈畏路間頗疾世情短傷哉嬰百罹雞骨已垂斷
登武夷山二首

名山奠南隩甲觀浮雲齊上闕羣仙府下纏九曲谿
甌甌洞藁

卷之五

七

張雲三百廿七

琪樹榮青林文鳥翔丹楹出沒霏霧間永日恣攀躋
金光吐靈穴真氣耿不迷何當遇錢鏗挾我霞外棲
楚楚黃冠子抵掌談刀圭豈其大丹訣乃托空筌蹠
其二

緣澗躋飛梁馮虛步崇殿雲林鬱以紆天柱從中奠
煙濃玉女鬟苔繡鐵佛面歷歷排羣峯朱華競蔥蒨
豈假巨靈擘非經媧后鍊巖泉漱石脂洞草積瑤霞
界朗神與清塗迂景忽變手調赤雉羹將爲列僊獻

天柱卽大王峯
鐵佛卽幔亭峯

泛九曲谿二首

林端日已歆心賞未云足言攜武夷君泛世雲溪曲
流藻牽微瀾鳴榔應虛谷坐愜巒氣澄行驚練光束
猿猱掛巖柯虹蜺飲沙麓夾水羅羣峯參差三十六
絕壁鮮棲禽云有仙人屋僊去無還期微茫眺遺躅
其二

曲水縈山心入山轉冥冥翼舟雲欲飛依渚石爭削
夕照陰綠蕪迴煙霽丹壑羽衣奏笙璫中流下玄鶴
倏忽踰初境遠峯澹迴薄似得武陵津不淺濠梁樂
詎知宦遊蹤飄然寄寥廓

讀宗子相遺藁愴然作

甌甌洞藁

卷之五

八

張雲三百四

昔我同袍友抗志薄青雲結髮事幽討沒齒虞無聞
含精吐其華徃徃絕人羣翺翔京洛遊羽翼忽以分
古心不見惻役役江之濱憔悴忽以萎駕言邁修文
與君已隔世思君日以殷遺編篋笥中忽忽如見君
鳳鳥不常儀薰膏亦自焚令名但千載地下君所欣
安見長壽考一一策高勲

雪中臥病東方員外君敬

朔風振嚴節陰雲翳中野浙浙寒柯鳴瀟瀟歷沾灑
霰集何須臾雲紛忽堪把玄轡御窮紀剝復不相假
蒼子負寒病偃息空齋下顧念同袍士所志在風雅

席門雪如山僵臥出無馬不有洛陽令誰知孝廉者
登七臺山絕頂

真氣鬱不散結爲谿上山岩堯七頂秀逶迤三郡間
熒熒吐南斗歷歷排天關審予久臥閣欲往無羽翰
茲晨挈霞友矯足窮躋攀絕磻蔭榭梓陰磴飛潺湲
逡巡造無際忽擁仙人壇苔蘚蝕故鼎伊誰覩還丹
龍蛻亦已遠鶴馭當來還岑樓俯冥壑列嶂趨危欄
且復劖蒼苓麋鹿羣相歡登高望遠海天路何漫漫
海風吹白雲須臾卷層巒衣裳濕空翠几席衝驚湍
奇賞一以愜何當此休餐陵虛但長嘯高枕青林端
甌甌洞藁

卷之五

九

張雲
三百六十六

詠署中豫章

豫章何輪困托根在公府柯葉森扶踈清陰薄環堵
山煙起氤氳海氣遙吞吐自抱風雨鳴不解冰雪苦
亂龍鬱爲文剝蝕亘今古豈無柏梁材可與榭栴伍
匠石一以遺居然謝斤斧因之保天年蒼蒼蝓故土
春日郊行卽事

凌晨起嚴駕子子雙干旒脩坂陟無際藁林何週遭
仰視東旭馳須臾薄平臯玄鳥鳴高樹條風襲我袍
田人迫春事國土日膏況鮮乘寒虔各賣劔與刀
前畦秀薺麥老稚喧桔槔遮道前致詞使君無乃勞

下黯澹灘有感

艷瀨莫稱險 呂梁未為艱 懸水落萬石 危哉黯澹灘
崖逼迴成峽 浪猛能漂山 已疑鱗穴適 何止羊腸灣
妖蜮射人影 毒龍奔海關 島飛目不瞬 軸震天垂翻
捷疾轉丸下 浮沈反掌間 客子神欲盡 舟師技何閑
須臾涉安流 想像驚奇觀 世情總汨沒 畏路真巘岬
豈不委時命 忽復生憂端 蠻方難久居 良當拂衣還

馳恩篇 有序

不佞國倫以嘉靖丙寅夏考昭武績

先帝賜璽書褒之因追爵先臣為中憲大夫母

飢餓洞藁

卷之五

十

張雲 三百四十三

為恭人踰年國倫當入計過家會璽書適至
遂得奉以告諸家祠而易其主蓋泉壤之

殊卹而里人之所榮也乃國倫殊不自意恭

賦是篇志感且示子孫世世母志

先帝恩云時丁卯初冬日

睿予本罷駕十年御塵鞅流俗非所諧於世徒偃仰
一蒙蠶螻疑幾為魑魅黨偶爾遭清時醜列吏民
長三載何行能謬叨璽書獎賜爵榮二親流膏沃
黃壤義方稍見錄微勞亦膺賞華袞在一言奎光燭
三象遂令裘褐資冒此金緋享被遇良已奇思恩一

何廣念當捐髮膚無能取珠兩萬里瞻天門天門
誅蕩蕩

離資園二首 有序

騷云菴菜蔬以盈室兮判獨離而不服蓋託
之乎女類之詈語也吾友王元美頃以謗書
歸臥而名其園曰離資其有深慨乎因寄此

詩

仗策遊名都登臺騁高視一爲世網嬰跼蹐非其志
馬鹿本殊形薰蕕豈同置將憂上官讒奄邁女類詈
於義苟不孚安能強相媚歸營五畝園樹畜從所嗜
甌甌洞藁 卷之五 十一
荷鋤平蕪藜常恐被其刺

其二

晨躋弁山顛日莫息其趾蘭堂壁以蓀芬華何榮榮
錦樹披明霞暎茲初服美取石成崑丘分泉爲弱水
豈但遠菴蔬業已蛻塵滓俯將燭九陰仰欲觀無始
庶幾鹿豕間可以守玄理

春日發舟赴嶺南別家兄作

自劾苦不報遠遊今奈何出門視萬里況乃縣風波
兄弟半斑白祖送江之沱銅羹瓠爲脯林酒旨且多
一爵不及反舟子發棹歌引領在中流眷眷南山阿

佩我明月環言歸勿蹉跎礪我鹿盧劍念當絕妖魔
道遠思孔懷一日三摩挲安得息塵鞅同君葆天和
過梁公實故居有感

番禺巨長城重溟盪窮昊列肆苦湫隘環途決淫潦
褰裳涉委巷衡門寂無掃故人讀書處悠然瞰蓬島
採蒲從安期厭世一何早豈不念疇昔夢寐顏色好
同心分古今陽運悲不造

送內

我生苦落魄與子常支離念此遠行役從之炎海湄
風鄰烏蠻國路出龍母祠已怯瘴癘嬰况乃寇亂滋
甌甌洞藁

卷之五

十二

夏元
三百五十五

泠然眷故土涕下交雙頤柴車駕言邁著簪忽以遺
迢遙萬里道珍重三男兒銜枚越烽壘脫珥克行資
千山走相送十日不成辭何以爲我壽何以與子期
老別勿言遠生還勿言遲去去但自保悠悠長相思
既別樵兒憶之

樵郎生七齡萬里攜之遊英骨邁兩兄何止氣食牛
郡壘苦寂寞跳笑寬吾憂日識八九字自言當公侯
當筵誦父詩朗朗諧清詠捧觴夜不倦佳客歡爲酬
今隨阿母去川途逖悠悠臨別牽我衣吞聲泣河洲
十日度湟谿反顧殊未仕道逢下瀨客寄言入邊州

南方多豺虎阿翁寧久留感此情內結寤寐思故丘
骨肉但相保何論箕與裘

贈黃公紹

黃生好玄覽矯步六藝場弱冠成名三十志益強
明經啓苞籥振藻羅七襄遇合一何晚結徒混高陽
懷袖雙龍珠炯炯明月光魚目方見珍精靈誰爲揚
索我薊北門遲我南海旁感子意不薄援琴發清商
三歎曲未終四顧浮雲翔願言結遐軫萬里毋相忘

放龜詩 有序

初予夢得靈龜居數日見海濱漁人籠一龜

甌甌洞藁

卷之五

十三

陳朝
三百廿六

鬻於市如夢中所見爲之惻然有感因買而
放之石龍池中作詩以紀事蓋隆慶辛未三
月四日也

靈龜本無營胡爲人所致十朋鮮見珍四翼頽然墜
業已嬰籠絡僅比凡虫飼雲霧蒙玄衣星辰闇朱宇
延頸希人憐垂頭忽如置豈犯牽牛宿誤克河伯使
吹噓濁水泥沆瀣不復餌偶抵豫且網將枯楚王筭
匪乏千齡術一朝坐顛墮見夢匪爲妖相遭良已興
感彼賢哲資遺此形骸累杖頭落金錢持爲漁者利
脫汝刳腸厄如吾曳尾意支牀負全方戴嶽豈初志

步若輜車旋安思石穴邃茫茫大海濱故宅已難識
白日爲誰陰風雷將汝至送之清泠淵祝之善幽秘
動或隨九天靜或潛九地或守著根伏或乘蓮葉戲
伸縮從所如妖壽永不貳化彼驪龍毒同爲遠方瑞
懷元美二首

越鳥不繫書吳雲阻重嶺相望一何勞淫淫淪如綆
秋風生我庭梧葉下空井中夜起踟躕但視明河影
其二

十年謝纓綉一詔起巖穴薦書良獨完謗書復何缺
牛鼎無常烹羊腸鮮寧輟歸來伏龍山於世夔超絕
甌甌洞藁

卷之五

十四

陳朝
三百五十八

閔旱

嬰龜守南服念匪窮髮區刀耕竭終歲苦無儋石儲
繭絲日以密乘障日以虞沃壤半污萊痾身良毒痛
胡此朱明候早曠復已逾百穀方仰膏三農暴其膚
何力挽滄海潤此桑田枯考禮登百神率巫前舞雩
皇天豈降割旄倪聚哀呼

秋夜同周子徵珠江泛月

良夕豈易逢奇遊夙所慕暝陰薄層城浮雲漭相赴
須臾明月生澄空皎如素縱艇隨輕潮披衣下纖露
髣髴海市通相將天河度中有弄珠人亭亭出煙霧

微颺振鳴環綽約清虛步手裂雙扶桑化作千琪樹
幻景良若斯條然啓冥悟

謁洗夫人廟詩八首

有序

夫人南越洗氏女梁大同初適高涼大守馮
寶寶藉其力用能約束諸蠻夷會高廣二州
叛夫人將兵平之陳永定初救命爲石龍太
夫人賜繡幘鹵簿如刺史儀後陳亡嶺南諸
郡悉附夫人隋高祖因遣使遺夫人書且以
故所獻陳主犀杖爲信夫人乃爲位哭陳主
三日而後遣其孫暄迎隋師嶺南於是傳檄

甌甌洞藁

卷之五

十五

李旌
三百廿二

定後番禺反夫人授其孫盎方略破之高祖
嘉其績拜兩孫俱刺史追贈寶爲譙國公而
進洗爲譙國夫人開幕府賜物累數千尋又
以招諭諸夷功賜湯沐邑千五百戶卒諡誠
敬至今高涼人廟祀之予稽其事有感焉爰
賦八章用代侑享

蕞爾高涼墟諸夷雜包絡何哉一蠻姬將兵如衛霍
相傳百戰功不負三朝託天風鳴海濤猶疑鼓吹作
其二

昔聞木蘭女忠孝兩不渝豈及洗夫人名高績尤殊

木蘭代父戍功成僅完軀夫人代夫將戮力扶皇輿
其三

將號萬人敵兼長古所難高州女刺史奮蹟何桓桓
一伐叛臣謀反側旋自安十人故有婦豈必皆魏寇
其四

中原累新主南越恃斯嫗傳檄無二心膚功矢自樹
羣兇蕩以除百蠻皆內附父老殊晏然何煩長卿諭
其五

阿家本外臣受號匡王國犀杖持效忠繡幃錫昭德
赫赫譙公封璽書見優特一節忠三君豐碑永堪勒
其六

甌甌洞藁

卷之五

十六

李煥
二百全

倉皇哭陳主慷慨迎隋師大統自新故偏國持安危
平蠻功已高賜邑固其宜名將忍巾幗笑殺高涼兒
其七

文筭束兜鍪姣服冒犀甲幕府開九真軍符凜三陘
功載隋梁銘威仍嶺海壓精靈儼至今血食安祀法
其八

洗氏骨已朽百越猶英聲我來刺其郡枹鼓時一鳴
羣醜雖漸削何當遽銷兵神其眷故土蕩滌蠻煙清

校射示諸生

懸弧射四方君子釋初志矍圃非泛觀澤宮豈常藝
禮兼五物脩樂以衆賓萃揖讓敦古風弛張表能事
端容引烏號審度約猿臂一發中應弦再拜起揚鱗
附枝總忘勞穿札何足異東箭稱美材文毀喻藏器
遠爲諸侯徵邇飾儒者事所以大聖人力至巧亦至
夏夜偶涼卽事效梁人體

炎方雨忽霽夕閣涼如秋星雜簷螢落河連枝鵲流
榕陰滴衣桁荔色炯簾鉤月擁玉壺上天銜珠浦浮
輕颺動白苧密篠鳴蒼鳩拭篔簹水初合提紈雪未收
不寐憐光景長吟步斗牛山煙微入幔海氣積爲樓

甌甌洞藁

卷之五

十七

病當三伏起老作九真遊江漢渺何許關山悵悠悠
寄黎惟仁文學

念我青雲友結軫遊長安上書不得意又謝公車還
燁燁三芝室端居惜紅顏濟海無一葦凌雲托柔翰
持螯飲美酒生事了不關安得釀重溟醉臥三神山
贈黃幼章黎惟仁唐寅仲三子

三珠燦南海宛彼若木枝礪礪百餘尺托根一何奇
招耀三神山貝闕光陸離十陽避其華燭龍亦已疑
我欲叱象罔采采勿踰時結以九霞佩繚以五色綵
惜哉無舟楫棄置忽如遺遂恐精靈變反爲魚日擘

傷足歎

疾足非吾能命途一何蹇委形良不虧遺訓夙思勉
況乃歷軼軻投踵室如繭茲晨起辟易跬步不及展
豈失千里馭亦無九折險偶罹下堂憂頽顏忽以覩
踈盍虞後艱扶攜僅餘喘捫指痛欲呼覆轍幸猶淺
一蹶從所遭禍福疇能辯

顧季狂暫赴武昌再至

朝遊黃鵠磯暮泊黃龍渚舟方見戴來醴復延申去
落月何所思火雲自爲侶新涼生我庭鼓腹坐無語

寄王承父山人

甌甌洞藁

卷之五

十八

王生自狂態不受時人憐一刺遠投我九歌悲問天
行隨白雲住醉枕流水眠萬里忽相憶吳鉤爲君懸

甌甌洞藁卷之六

武昌吳國倫著

始安張鳴鳳校
新安方尚贊校

五言古六十五自

倦鳥吟

予旣聞貴筑之命踰嶺海還過里中自念在
高涼三年劬勤戎馬神氣都盡又生平拙宦
縑結無奇而復負痾遠遊恐亦終無所效趨
起踰數月不欲戒裝而一二親故時來勸駕
至以大義責之乃作倦鳥吟以解嘲云

有鳥自朔方翱翔萬餘里悲鳴紫塞外還顧湘江涘
甌甌洞藁

卷之六

一
列

頗經霜雪摧况乃憚羅矢喑喋常苦飢朝營莫猶徙
北風刺肌骨羽翩頽然委息影巢故林一枝良足倚
仰及清露漿安知稻粱美所以綿蠻詩宣尼歎知止

發家赴貴陽與仲兄言別

河水清且漣輕颺蕩寒煙鳧鷖各有匹苕藻紛相牽
况乃同根樹枝葉故纏綿沆瀣沃已深仰欲參高天
念茲友于義三歎和樂篇何當遠離別顧影中自捐
豈以列鼎華曠我豆與籩豈以衆音豔奪我篚與填
垂老苦行役欲發不遽前徘徊在中路夕晷爲我延
加餐幸自保皓首常來還

劉世仰追送至蘄春舟中夜酌

三日別已遠川塗望悠悠胡然白頭浪撼我青雀舟
菰際飛一葦磯邊散羣漚美人意良厚濁酒歡且酬
明月生斷岸前峯在中流曼聲答漁唱醉語寬離憂
江漢豈足廣蘭蘅爲君投東風席如駛明發不可留
夜泊黃州少宗伯丘公偕王侍御汪職方羅別

駕攜酒見訪

挽舟上高江風急濤轉怒避之沙岸間浮煙濛回濩
咫尺永安城不見樊口渡麟麟至軒車眷眷皆親故
遐哉萬里人夢寐欣良晤躑躅感今昔攜手復四顧
甌甌洞藁

卷之六

一一歌

行廚膾雙鯉漁歌侑清酌解我顛顛容含情爲君吐
中夜起扣舷明月在高樹戀此平生歡其如迫往路
春日登高示諸生

夷居良不薄鳳嬉從之遊大哉孔尼父道廣難爲侔
天啓我

高皇靈光被六幽渺爾麟介區化爲魯與鄒纓綉燦
以繁禮樂何綢繆吾與二三子騁望登高丘東撫夜
郎臺西瞰盤江流古今變須臾夷夏此一甌跡跡荒
高山禹功同九州匪厥神授資誰當壯其猶今我懷
遠牒與子偕好脩萬里安足遐瘴癘非所憂但飽公

家粟無從效前籌德業苦不競歲序忽以道俛仰太
平世恐遺童寇羞勉旃戒茅塞改轍遵道周

道逢劉正言憲長入部

別君薊北門逢君夜郎道令德良所欽榮名亦何早
三巴復三秦相望令人老緬此靡莫區關路漫漫浩浩
軒車從何來爲我舒懷抱前綏爲君持浮雲爲君掃
居夷義所安抗志歷幽討

得元美書有感

遠遊意不適恍然思所親旅鴈從何來乃自江之濱
繫書萬餘里弱羽一以振翔雲與之俱投我何逡巡
甌甌洞藁

卷之六

三

晏

長跼省書意金石無緇磷皎如若木華重比連城珍
故人義已厚令我滋含辛感彼同心言嗟此異域身
皓首亦有期欲濟河無津腸斷不盈寸那能轉車輪
普定署中對石山獨酌

亂山抱孤城空館負奇石息駕天垂晡臨軒景如劃
簷檻寂不華峯巒澹相射環堵未一區飛梁欲千尺
風來篠爭鳴雨過瀑新溢跋履行絕顛俯身瞰幽宅
煙廻日觀蒼霞結天台赤獨酌性所便遠遊意何適
織月銜柯亭明星燦蘿壁須臾變初境天地一陳迹

晚過水閣寄

木閣高凌空盤紆鎮邊鄙今茲遠行遊僕御何靡靡
壁暗號玄猿箐深伏蒼兕歛焉山霧黃觸我劍光紫
脩坂去忽迷駭石迫相抵行行日西匿前林戍煙起
羅夷三五徒逢迎出樵壘踉蹌無致辭前驅負羶矢
疇云匪我族胡乃安事使皇風浩無隄異域懷孔邇
三復何陋言悟茲變夷理

過字羅箐

舍車陟脩阪叢樾何鬱紆幽篁百餘尺惡木相扶疎
陰風振巖柯毒霧黯若嗟怪禽鳴我前猛虎行負嵎
仄路難可辨停筇復斯須徒旅忽以遠劍氣慘不舒
甌甌洞藁

卷之六

四

晏

奮臂呼當關山靈爲先驅陽輪在西麓返照羅夷居
稍聞笳鼓聲前旌去徐徐蹈險不及踵胡然有康衢
義命良所安況乃天生予

重陽後一日登東山寺

九日不登高煙霜澹林麓十日秋氣清東山倚天矗
複道紆新綦琳宮隱扶木振衣躡其顛一縱千里目
荒城大如斗衆山渺焉伏掃石坐層雲鳴鐘發幽谷
僧至焚妙香居然在天竺忽開西域蓮掩彼南陽菊
何言非吾土良遊此堪卜

別林仲清

夙昔秉孤尚結友如辰參去國萬餘里何當邁同音
美人自新知一日義已深齊軌適中陸不復嗟滯淫
青霞結爲佩明月持爲簪芝蘭自有臭松柏亦有心
明發與子辭離憂難獨任生如斷蓬藿安得同疇衾
流光不及瞬青驪逝駸駸交期盡皓首勿作南冠吟

平溪別方以賢丘子晉

濺濺巖下溪皚皚溪中石瑟瑟西南風颼颼一蓬迹
矯矯二大夫勞勞感今昔昔從帝里遊今同鬼方役
古道有坎珂達宦鮮長策盛年良易衰流光但虛擲
會晤能幾時忽復當遠適念至慮亦深綢繆亘曠夕
甌甌洞藁

卷之六

五
列

赤霜爲我袍青霞爲我舄酌以蘭桂醕使我顏色澤
感茲金石心欲往涕如繹三宿車不膏王程苦相迫
後期當奈何願假晨風翮

武陵北郭外田家別曹名卿

與君已言別眷我殊未休送送齋酒脯行行越山丘
停茲道傍舍面彼河上洲鳧鴈紛唼喋松蘿故綢繆
況我同心友念當遠行遊興言自清臭顧影俱白頭
夙志豈不廣末路難爲籌和光委明哲獨行臻好脩
努力但相保聯離非所憂

別君十年餘思君萬里道只怪緘書遲那知厭世蚤
忽沈南海珠罷起明光草石墨與丹鉛遺爲藝林寶
綈帙虬龍蟠素練煙霏掃一抹輞川明片楮蘭亭巧
此物神所忌斯人豈難老波昏鮫女宮霧吸龍駒鳥
遊魂去何之泉路漫浩浩朝露本易晞晨星不及杲
遂今五嶽軀徒徇一丘槁望海迷津途臨風薦蘋藻
儻遊逍遙墟安見非壽考

高辛村卽事

驅車小蒙城騁目高辛里新暑氣尚微繁陰密如綺
青楊夾道周二麥何纒纒西日隱故宮遙見千家市
甌甌洞藁

卷之六

六
然

風土昔所諳流光忽焉駛者舊聞我來遮塗走相視
一一前致辭但問髮與齒壯者負橐鞬老者餉瓜李
何哉一故尉慙慙猶乃爾將無宋人愚莫知楚人鄙
感此懷餘慙汗下幾浹趾

入大梁思亡友李于鱗詩

有序

蓋于鱗按察大梁時遭喪東歸遂病不起今
五六年矣予來望其故署爲之惻然爰有是

作

繹繹大梁市車騎何紛綸浮雲翳官閣古木森城闔
昔我李夫子攬轡黃河濱朱風歷二南執法昭三辰

中土欽名德，燁燁鳳與麟。皇天忍降割，胡然奪其親。
哀哀向河濟，奄忽俱沈淪。而我踐斯境，寓目皆含辛。
已矣竝驅意，握蘭渺無因。夷門慘不華，平臺蔽黃塵。
大雅日以遠，流俗日以新。知音阻泉路，念之滄盈巾。
謁于少保廟

少保社稷臣，丹心燭千古。立朝策元勲，定難表神武。
一言凜萬鈞，萬死輕一羽。寧犯天鉞誅，毋寧負

皇祖置國等泰山，四方用安堵。壯哉方叔猷，豈其與
公伍。昔公馭絳騶，布德綏中土。至今河嶽間，痛哭思
恃怙。峩峩報功祠，乃在汴之潁。遺像儼如生，文章錯
瓏甌。洞藁

卷之六

七

珪組賤子登斯堂，百年宛親覩。循循一儒流，忠貞播
寰宇。顧瞻有餘慙，談往舌欲吐。采薇首陽山，采蘭沅
湘浦。薦之諒所歆，聊以充簋簠。

劉生順思爲予臨馬圖因贈

君家故擾龍子，復能圖馬貌。出宛渥姿，豈在曹韓下。
霜蹄躡崑墟，肉翮騎襄野。九逸難爲羣，千金安足賈。
竦身骨權奇，流汗血沾灑。影躡飛電馳，吻決奔泉瀉。
心手自爲師，古今不相假。壯哉萬里神，令人隘中夏。
賦得鐵如意酬胡茂承

客從天都來，授我鐵如意。鼎色星文纏，金精雲葉墜。

豈發歐冶型不交攸飛臂突拙鮮見珍鏗鏘自爲瑞
摩挲冰雪生起舞蛟螭避繫肘觀道書冥心悟高義
百鍊本無庸千金誰與易嗟予已華顛羈旅寧素志
將謝執珪榮且釋操刀累異哉美人遺良爲達者事
豈必驕珊瑚長當遠魑魅

還次陽臺與李子華夜談養生二首

朝下八仙壇暮宿尤芝嶺淫潦塗故宮荒蘿蔽空井
丹竈灰不燃青精飯已冷篝燈坐談玄寂寞是真境
其二

大藥苦難就神仙自有真欲乘羽車去天路迷無津

龐龔洞藁

卷之六

八

恭

安得邁霞友與之延谷神君家伯陽子無乃有後身

行部過宋答諸父老

憶予昔蒙詔去國來遊梁俛首在末位磬折長吏旁
理牘焚無奇虛勤薦者章三年不見收棄之還故鄉
詎知河復清神劒赫上方氛稜一以廓日月開天閭
奉詔起巖穴緩步由康莊茲行蒞中土白首悲昂藏
回瞬十五載駸駸感流光踐茲昔遊境父老遙相將
遮道不及前扶攜弔風霜馮軾復四顧淫潦何湯湯
巖城故無恙者碩有存亡千樹多可材二麥半在場
旬宣匪曰能共濟思褰裳閭閻但耕鑿生齒殊未喪

嗟予表已甚舊業臨滄浪倦鳥持弱羽焉能久翱翔
念當從此逝何以志不忘

懷汪司馬伯玉

伯玉自古貌生平懷壯猷四十秉旄鉞決策清南陬
五十佐樞府宣威壯邊州矯哉文且武將紆至尊憂
握筆上封事班班晁賈流詞林寶副墨黃口紛相讐
歸來息塵鞅但臥枕墳丘豈其介如石將從赤松遊
舉世一知己於人復何求離居倘終老浮雲悵悠悠

懷孫祭酒山甫

山甫金玉人一出爲世寶明經冠時雋揆稊發天藻
甌甌洞藁

卷之六

九一

少握中秘書旋焚掖垣草翱翔涉中外結志遵大道
晚遘

聖主知視學修三老言陳辟雍詩尊禮屬師保魚水
方見諧縣車亦何早逍遙不赴徵匪學商山皓

懷徐中丞明叔

昔我偕明叔連翩棲鳳池直廬警宮漏染翰抽綸綵
竝轡出休沐促膝宵賦詩風波一摧藏毛羽互參差
倉皇竄異域憔悴迷所之而子在南郡幾復爲湘纍
網羅有天幸王路驅以馳九遷列上卿開府陳六師

時命有屈信古道無險夷赤心麗三辰西峴安足碑

懷方中承定之

方叔故名儒早歲嫺述作好脩矩先民玄理資澹泊
貌瘠不勝衣登朝凜孤鶴一麾守東郡歷試弘遠略
天子正南顧遂有元老託登壇吳越間羣兇去如削
譬彼昆吾刀匪徒厲鋒鏑亦有園丘器所貴無鑄鑿
豈伊謀國心可使尋常度飄然歸故廬臥龍倘相若

懷陳按察于韶

于韶兼人資負氣亦個儻奮翼遊上都折節好吾黨
一官轍未寧所至流逸響嶽嶽揚毫鋒詞林欲爭長
勁勦吳越墟功成不及賞達者紛相猜因之悲世網
甌甌洞葉

卷之六

十一

歸臥青城顛空冥觸遐想高視一世間浮雲何泱泱

懷王孫灌甫

麟趾自公族斯賢起宗周每懷親睦恩坐負匡時猷
偃仰抱羣籍與義恣冥搜傳經屈申穆談秣陵枚鄒
奇氣未盡吐終焉託嵩丘惜哉負九鼎不以供滷牛

贈李督學本寧

李生郢中雋少齒富羣籍歌諧金石音策擬天人畫
清廟操朱絃園丘旅蒼壁談經白虎觀承恩累重席
豈不懷起居愴焉辭禁掖單車戒西征二華遙相逆
言探河洛源更弔岐艷蹟采風入邊聲陳詩泝王澤

紫氣渺中升，角關自天闢。彩筆陵奇觀，山靈瀟辟易。

贈方郎中子及

子及吾良友，執經憶樵陽。頗聞大雅風，意氣殊飛揚。
奮迹侶時彥，含毫吐蘭芳。逢時豈不偶，執戟疲爲郎。
高歌翫一世，頌酒非狺狂。但與流俗遠，薄言醉爲鄉。
荆棘羅中野，豺虎踞路旁。何當與吾子，改轍從和光。

贈歐助教楨伯

楨伯起經術，脩辭一何腴。詩名動卿相，登用藉從史。
天子幸辟雍，進講趨氍毹。橋門警環聽，詔下恩賚殊。
遂令當世士，翕然尊碩儒。天邊墜孤鴈，千里遺尺

甌。甌洞臺

卷之六

十一

書中有懷人篇，燦若南海珠。何以報知己，北風重踟蹰。

贈陳督學玉叔

玉叔不事耄，退然修父執。雖鮮蘭蕙姿，微芳蚤見拾。
攜手薊北門，詞人正雲集。恐雜梧臺觀，將憐和氏泣。
和曲曲彌高，操弦弦愈急。恨無百尺綆，持爲九仞汲。
岐路忽以攜，羽翼懸相戢。奄其歲曖曖，停雲坐於邑。

贈方山人仲美

方生自名族，無家不稱貧。遠遊載圖史，玩誦無昏晨。
生計日以短，辭翰日以新。入楚邁知己，慨焉思卜鄰。

子桑縱琴歌裹飯乃在門原思詠商頌裹馬非所珍
衆口嗤落魄安知有先民詩成醉且臥陶然適其真

贈胡山人茂承

茂承博雅士奇氣鬱未吐朝負惠子書暮戛梁鴻釜
游揚卿相間恥與食客伍抵掌談稅文含情慨今古
一言感知音揮觴自起舞訪我大梁城新篇爛熳組
與之登平臺流覽槩中土世路漫悠悠何當息縣圃

贈沈山人嘉則

沈郎故家郎文藻夙所志落魄不知貧懷才恥干世
客遊公卿間頗欲行其意薄俗嗤直躬窮途見奇致

甌甌洞藁

卷之六

十二 傳札

犯嫌誅司馬

謂哭胡
總戎

抗書脫飛伏

謂被曾
參戎

客有忻詞

名誰知獎高義

贈康山人裕卿

康生貧且病偃臥京市隅黃熊欲入寢三尸怒相盱
門鮮親舊跡躡躑網其厨我獨登汝牀執手長嗟吁
忽復有起色仰視聊須臾與之坐談稅情志日以愉
交道從此廣詩名溢路衢偶聞逐客令倉皇安所趨

贈宗良

王孫少任俠動爲俗士嘲芻狗玩一世螺贏輕四豪

入齧妃女脣出飲恣盤菽豈不嗜入翰衆言紛易淆

中歲一折籥愧焉思素交結情向風雅光燄日以韜
澄若九淵水湧若天漢濤非緣和者苦安知曲彌高

贈貞吉

貞吉晚相邁懷才美且多清揚自昭質宛彼瓊樹柯
食邑等列侯所安在煙蘿早齡恣圖寫操翰如操戈
對客一揮灑輒然開詠歌觀者極神賞彷彿聆雲和
結亭修竹間抱膝西山阿豈不軫王室棄捐當奈何

贈同伯

英英南浦雲纏纏洪崖瀑布夕懷我友精廬此焉卜

偃仰披羣書逶迤入修竹朝來爽氣生登臺騁遐矚

甌甌洞藁

卷之六

十三

冠

簪纓豈不華冷然亭幽獨冥悟養生旨還童儼丹渥
神徃路忽迷書來念彌篤古心託垂年令德企相勗

宴灌甫東陂

飛蓋臨城隅芳筵集華渚奏鼓登雅歌行觴泛清醕
林陰忽以移初景愔容與歡宴不知疲登臺瞰洲激
微瀾漾晴堞短棹沿孤嶼列室藏圖書蘭芬何楚楚
主人懷天遊客子託幽緒輕颺激游鱗古木下脩羽
翛然濠濮間薄暮復延佇

悼馮光祿汝言

馮君振青海結髮耽藝文讀書累萬卷棲志漢與秦

宦轍弭中外所志揚清芬次曰但著述吐辭鬱爲雲
臨年遂高蹈東岱藏其真曰哉古詩紀庶幾開後人

悼吳中丞峻伯

矯矯吳伯子振翼自天日一入金馬門翱翔漸雲陸
千秋結遐思羣籍佐休沐閉戶調清琴弦柱傷局促
一鼓越人吟三歎郢人曲人琴今已矣誰其弔芳躅
悼顧山人季狂

季狂亦吳人落落但自喜頗無鄉曲譽幾作囹圄累
一遇宋邑侯尊禮爲高士憤俗難與居佯狂去千里
四十始言詩詩名忽焉起放歌燕趙間高會王侯邸
甌甌洞藁

卷之六

十四
傳魁

交游總賢豪見賞卽知己傷哉海上魂不反南宮里
長洲里各卽
季狂所居

答劉子威侍御

昔我客夷門逢君良亦偶逡巡望華軒那能厭塵垢
豈無南山角恥爲鮑叔扣雖有陵陽珍難爲樂正剖
浮雲易誤人白日惜攜手岐路一相乖川陵限求友
尺書展慙慙知己無先後望望闔閭城長江亦東走

春日偕兒輩郊行因就田家小飲

微風蕩晴旭好鳥鳴相求韶景在東墅散步恣行遊
行行越初邈村陰亦何稠二麥秀高隴百卉榮道周

道逢村中叟招邀涉林丘酌酒烹伏雌竟日相綢繆
列鼎安足旨朱紱生繁憂垂老返故鄉穉子歡見休

贈趙汝脩

庭高有五嶽海外環九州騁目蕩情志側足虞泠丘
斥鷃睨翔鵬遠邇難爲謀八駿不踰階抱影成周遊
所以逆旅人翻然詆巢由豈知守一隅乃能遵道周
至人思達觀常與元化侔期君秉高節皓首以忘憂
四月十五夜同家兄及兩兒子劉甥以雲方山

人仲美湖上泛月

陽景盛初夏明月生我庭起步臨東臯湖水清且泠
甌甌洞藁

卷之六

十五

汎汎中流波方舟杳不停仰天浩無際俯首瞰列星
微風動百草衆山何青青況我諧骨肉顧盼怡中情
良朋雜歌笑一一生蘭馨觴酒足遺世安用稱獨醒

和汝脩苦熱詩

驕陽炳丹達鶉火煽煩燠企雨旱益殷招風氣彌毒
百靈慘不舒赤地焦九穀汎乃近市囂炊煙鬱墻屋
側身苦踉蹌餘喘何局促起臥總無常飲啄非所欲
安得偕吾子逃之崑崙谷朝吸清露餐暮卽玄泉浴

贈張子元

崑崙奠西極培塿造其端宣氣產神物羅列仙人壇

瓊琅長爲林弱水流爲丹地乳溢中土鬱鬱靈鼈蝓
五嶽五卷石九野九彈九冥境浩無際所貴在達觀
愚公慮苦遠智叟從所安臥遊有至理意適神斯完
梧塘山居喜羽王京兆過訪

女夷暢天和玄鳥在高木藪篁夾脩渠垂蘿翳巖屋
微風自東來爽氣襲初服灌園不知疲臨流飲黃犢
興至發浩歌餘響赴空谷眷我青雲交迴車訪幽獨
歡言漉新醅佐以山中菽圖書恣神賞郊原縱遊目
石淙鳴樹間頗勝絲與竹俛仰從所欣居然遠流俗

石蘭溪再詠

甌甌洞藁

卷之六

十六

仲春和氣舒肆眺青陽光芳蘭被脩渚嘉樹羅崇岡
沉乃從我友逍遙上河梁谷風振靈籟湍波送流觴
遠慕箕穎節近希沂水狂景會神亦適因之等彭殤

萑苴歎

山中故無萑苴偶向羽王乞種成畦旋爲積
雨所傷因有此歎

萑苴本常蔬所貴君家種分我雖不多屬意良已重
短根新入畦翠葉忽成壟小摘差可羹頻鋤始息踵
稍爲久雨困遂作污萊壅豈惜破塊勞實懷漏天恐

物生各有際陽景何矇矓

同方聖休游滄浪亭

朱明氣方燠燠氛迫環堵出郭從所忻幽懷歛焉吐
白日春高林微風漾平浦飛觀凌蒼煙長橋曳如組
躑躅遠市囂翛然一寧宇向夕移輕舸中流坐懷古
臺榭成遺丘鳧鷗自爲伍詠彼滄浪歌吾意亦漁父

贈友人

之子清且揚懷珍美無賈含毫吐其真炙轂慕風雅
冉冉將踰時孰爲知音者輕舟涉江濤叩我重巖下
坎壈知所安踟躕隘中夏鬱鬱平生心當杯一宣寫

從文仲得子與書有感

甌甌洞藁

卷之六

十七 欽

客從南州來遺我孺子書裂帛不盈尺抗意何鬱紆
相思日以老會面日以疎顯晦從所邁冉冉流光虛
良懷子文懼遠弔三閭居況當感銷落淚下沾我襦

酬孫兆孺

雲夢楚奇觀九水自今古西湫嶓岷根東膏吳越土
煙光浩無涯日月相吞吐我昔乘輕舟陵虛縱遐覩
將挾蛟龍遊遽犯風濤怒邁子在中流宛爾滄浪父
眷我亦何親玩世亦何武千載微屈平誰其詞賦祖

宋載道遊豫章還楚以途中諸作見報

誦子豫章行知子意不適風雨何滯淫一水遙相厄

況邁知音希，俛仰滋局踖。豈歎出無與，良嗟璞爲石。
愧焉思古人，珍才重賓客。白壁交虞卿，雕龍侈鄒奭。
今茲行路心，縱橫忽如奕。歸與江漢濱，且仗看雲策。
與茂承言別

北風吹大荒，雨雪無昏曉。峩峩結層冰，啾啾過寒鳥。
遊子思故疆，歸心忽如旄。川途何滯淫，兼之歲云杪。
斷蓬在河因，浮雲在天表。聚散靡恒蹤，憂多樂苦少。
所須在知音，且復酌清醪。

題方元素竹里館

不是輞川莊，誰題竹里館。林浮陸海陰，席布蓬池滿。
甌甌洞藁

卷之六

十八

然

浥露清琴書，調風作弦管。求羊自吾徒，三徑何時欸。
曉登顏子山絕頂

凌晨躡飛巒，緜海日射天。表三楚，其在茲。衆山亦何小。
襟袂生流雲，巖藂息過鳥。何當遂巢居，勿爲塵緣擾。

下山作

野性難爲馴，浮踪信所止。尋仙未授丹，望氣不成紫。
山險石爲林，谿虛雲作水。道逢耦耕人，却悟全身理。
二月望後紅梅始花，憶嘗與羽王共賦催花詩。
今羽王有蒲圻之役，不及共玩，悵焉有懷。

有約看紅梅花開，人已遠。晤言難，可常春事亦何晚。

豔比華林園香分大庾阪聊當誦君詩延佇向蘭畹

園居

岐路迷所適言反幽貞廬悠然謝塵埒地遠志亦舒
腰鎌刈蕪草灌畦得嘉蔬持之市美酒與客臨清渠
班坐無倫次杯行從疾徐酣至發高倡微風蕩襟裾
聊以解形役安知與世疎

還過白厓

赤水不勝葛白厓重拭衣纔嬰瘴波毒忽失朱夏威
氣候乃如此土風難可依飄飄遠遊子役役何時歸

甌甌洞藁

卷之六

十九

甌甌洞藁卷之六終



